

PRAVILNIK
O VRSTAMA VLASTITIH JAVNIH PRIHODA
JU OSNOVNA ŠKOLA „VLADISLAV SKARIĆ“ SARAJEVO

JU OSNOVNA ŠKOLA «VLADISLAV SKARIĆ» SARAJEVO

PRAVILNIK

O VRSTAMA VLASTITIH JAVNIH PRIHODA

JU OSNOVNA ŠKOLA „VLADISLAV SKARIĆ“ SARAJEVO

Sarajevo, juli 2023. godine

SADRŽAJ

DIO PRVI - OSNOVNE ODREDBE	4
DIO DRUGI - OSTVARIVANJE VLASTITIH JAVNIH PRIHODA	4
DIO TREĆI – NAMJENA I NAČIN TROŠENJA VLASTITIH JAVNIH PRIHODA	5
DIO ČETVRTI – EVIDENTIRANJE VLASTITIH JAVNIH PRIHODA	7
DIO PETI - ZAVRŠNE ODREDBE	8

Na osnovu člana 94. stav (2) tačka f), a u vezi sa članom 110. Zakona o osnovnom odgoju i obrazovanju („Službene novine Kantona Sarajevo“, br. 23/17, 33/17, 30/19, 34/20 i 33/21), na osnovu člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22), člana 71. stav (1) tačka d) i člana 88. Pravila JU OŠ „Vladislav Skarić“, Sarajevo (broj:01-316/12, od 21. 06. 2012. godine), uz prethodnu saglasnost Vlade Kantona Sarajevo, Školski odbor na XIV sjednici održanoj dana 28. 9. 2023. godine jednoglasno *donio je*

PRAVILNIK O VRSTAMA VLASTITIH JAVNIH PRIHODA JU OSNOVNA ŠKOLA VLADISLAV SKARIĆ SARAJEVO

DIO PRVI - OSNOVNE ODREDBE

Član 1.

(Predmet)

Pravilnikom o vrstama vlastitih javnih prihoda JU Osnovna škola „Vladislav Skarić“ Sarajevo (u daljem tekstu: Pravilnik) propisuju se vrste vlastitih javnih prihoda koje ostvaruje JU Osnovna škola „Vladislav Skarić“ Sarajevo (u daljem tekstu: Škola), pravni osnov ostvarivanja, evidentiranje, namjena i način trošenja vlastitih javnih prihoda Škole.

Član 2.

(Vlastiti javni prihodi)

Pod vlastitim javnim prihodima u smislu ovog Pravilnika podrazumijevaju se prihodi koje Škola ostvari obavljanjem osnovne djelatnosti, kao i ostalih poslova na tržištu.

Član 3.

(Pripadnost vlastitih javnih prihoda)

Vlastiti javni prihodi koje Škola ostvari su javni prihodi Budžeta Kantona Sarajevo (u daljem tekstu: Budžet), uplaćuju se na Jedinstveni račun Trezora Kantona Sarajevo u skladu sa članom 8. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22), a raspoređuju se u skladu sa Zakonom o budžetima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), Zakonom, drugim propisima i aktima koji uređuju računovodstvene politike, kao i način plaćanja i trošenja vlastitih javnih prihoda za budžetske korisnike, i ovim Pravilnikom.

DIO DRUGI – OSTVARIVANJE VLASTITIH JAVNIH PRIHODA

Član 4.

(Pravni osnov)

- (1) Škola ostvaruje vlastite javne prihode u skladu sa Zakonom, Pravilnikom o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22), Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu

školu („Službene novine Kantona Sarajevo“, br. 30/18, 9/22 i 20/22), Smjernicama u vezi donošenja akta o vlastitim javnim prihodima, broj:11-07/01-11-1134-1/23, od 25. 04. 2023. godine i Smjernicama u vezi donošenja akta o vlastitim javnim prihodima-izmjena, broj:11-07/01-11-1134-2/23, od 11. 05. 2023. godine, Ministarstva za odgoj i obrazovanje Kantona Sarajevo i drugim relevantnim propisima i aktima koji reguliraju predmetnu oblast, te općim aktima Škole.

Član 5.

(Vrste vlastitih javnih prihoda)

Vrste vlastitih javnih prihoda koje ostavruje Škola su prihodi po osnovu:

- a) pružanja usluga učenicima za produženi boravak,
- b) izdavanja prepisa dokumenata i izvoda iz nastavnog plana i programa,
- c) izdavanja i korištenja opreme i prostora u zakup,
- d) prodaje otpadnog materijala,
- e) reklamno-propagandnih usluga,
- f) realizacije pedagoško–metodičke prakse studenata (hospitovanje),
- g) ustupanja tenderske dokumentacije u postupku javne nabavke,
- h) kopiranja i uvezivanja pisanog materijala.

Član 6.

(Utvrđivanje naknade za realizaciju usluge)

- (1) Naknada za realizaciju usluge iz člana 5. stav (1) tačka a) ovog Pravilnika utvrđuje se u sljedećim iznosima:

a) od 14 do 19 učenika	240 KM
b) od 20 do 25 učenika	222 KM
c) 26 učenika	204 KM
- (2) Naknada iz stava (1) ovog člana utvrđuje se po učeniku.
- (3) Naknada za realizaciju usluge iz člana 5. stav (1) tačka b) ovog Pravilnika utvrđuje se u sljedećim iznosima:

a) izdavanje izvoda iz nastavnog plana i programa	66 KM
---	-------
- (4) Naknada za realizaciju usluge iz člana 5. stav (1) tačka c) ovog Pravilnika utvrđuje se odlukom Školskog odbora, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.
- (5) Naknade za realizaciju ostalih usluga iz člana 5. stav (1) od tačke d) do tačke h) ovog Pravilnika utvrđuje Školski odbor.

Član 7.

(Pripadnost vlastitih javnih prihoda)

Ostvareni vlastiti javni prihodi iz člana 5. ovog Pravilnika u cijelosti pripadaju Školi.

DIO TREĆI – NAMJENA I NAČIN TROŠENJA VLASTITIH JAVNIH PRIHODA

Član 8.

(Planiranje vlastitih javnih prihoda)

- (1) Vlastiti javni prihodi moraju biti planirani u Budžetu odnosno Finansijskom planu Škole.

- (2) Na osnovu planiranih vlastitih javnih prihoda, Škola planira i rashode koje će pokriti iz tih prihoda.

Član 9.

(Namjensko trošenje vlastitih javnih prihoda)

- (1) Vlastite javne prihode Škola troši namjenski, planski, transparentno, u skladu s Budžetom i Finansijskim planom Škole i u skladu s pozitivnim zakonskim propisima.
- (2) Vlastite javne prihode Škola koristi za pokriće izdataka nastalih obavljanjem poslova iz kojih proizilaze ti prihodi, a ostatak na tekuće i kapitalne izdatke, te za unapređenje odgojno-obrazovnog rada, sportske i kulturne aktivnosti, takmičenja, nagrade učenicima i ostale namjene i troškove koji nisu pokriveni budžetskim prihodima, a čine sastavni dio Finansijskog plana i Budžeta Škole.

Član 10.

(Način trošenja vlastitih javnih prihoda)

- (1) Vlastiti javni prihodi iz člana 5. stav (1) tačka a) ovog Pravilnika troše se na sljedeći način:
- 50% za naknade radnicima koji su sudjelovali u realizaciji poslova i
 - 50% za materijalne troškove, tekuće održavanje i nabavku opreme.
- (2) Način raspodjele prihoda za naknade radnicima koji su sudjelovali u realizaciji posla utvrđeno u stavu (1) ovog člana:
- nastavniku u produženom boravku pripada 100% naknade;
- (3) Vlastiti javni prihodi iz člana 5. stav (1) tačka b) ovog Pravilnika troše se na sljedeći način:
- 40% za materijalne troškove, tekuće održavanje i nabavku opreme;
 - 30% za naknadu radnicima koji su sudjelovali u realizaciji poslova i
 - 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene i troškovi koji nisu pokriveni budžetskim prihodima, a čine sastavni dio Finansijskog plana i Budžeta Škole.
- (4) Način raspodjele prihoda za naknade radnicima koji su sudjelovali u realizaciji posla utvrđeno u stavu (3) ovog člana:
- direktoru pripada 50% naknade;
 - nasatavniku/stručnom saradniku/saradniku pripada 50% naknade.
- (5) Vlastiti javni prihodi iz člana 5. stav (1) tač. c), e), g) i h) ovog Pravilnika troše se na sljedeći način:
- 70% za materijalne troškove, tekuće održavanje i nabavku opreme i
 - 30 % za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene i troškovi koji nisu pokriveni budžetskim prihodima, a čine sastavni dio Finansijskog plana i Budžeta Škole.
- (6) Vlastiti javni prihodi iz člana 5. stav (1) tačka d) ovog Pravilnika troše se na sljedeći način:
- 20% za materijalne troškove, tekuće održavanje i nabavku opreme i
 - 80 % za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene i troškovi koji nisu pokriveni budžetskim prihodima, a čine sastavni dio Finansijskog plana/Budžeta Škole.
- (7) Vlastiti javni prihodi iz člana 5. stav (1) tačka f) ovog Pravilnika troše se na sljedeći način:
- 70% za naknade radnicima koji su sudjelovali u realizaciji poslova i
 - 30% za materijalne troškove, tekuće održavanje i nabavku opreme.

- (8) Način raspodjele prihoda za naknade radnicima koji su sudjelovali u realizaciji posla utvrđeno u stavu (7) ovog člana:
- a) direktoru pripada 20% naknade;
 - b) nastavniku/stručnom saradniku (pedagoška praksa) pripada 40% naknade;
 - c) pedagogu pripada 20% naknade;
 - d) samostalnom referentu za plan i analizu pripada 10% naknade;
 - e) sekretaru pripada 10% naknade.
- (9) Utvrđeni procenti u ovom članu odnose se na ukupna sredstva ostvarena po svakom osnovu, a u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznosa).

DIO ČETVRTI - EVIDENTIRANJE VLASTITIH JAVNIH PRIHODA

Član 11.

(Evidentiranje vlastitih javnih prihoda)

- (1) Na osnovu vlastitih javnih prihoda Škola je dužna sve transakcije evidentirati u pomoćnim knjigama i u Glavnoj knjizi Trezora.
- (2) Podaci u evidencijama u pomoćnim knjigama Škole moraju biti usklađeni sa podacima u Glavnoj knjizi Trezora.
- (3) Evidentiranje transakcija po osnovu vlastitih prihoda u pomoćnim knjigama mora se vršiti u skladu sa Uputstvom o izvršavanju budžeta sa jedinstvenog računa Trezora („Službene novine Federacije BiH“, broj 34/16) i Uputstvom o prikupljanju, evidentiranju i raspolaganju vlastitim prihodima od strane budžetskih korisnika („Službene novine Kantona Sarajevo“, broj 10/17).

Član 12.

(Praćenje naplate i trošenje vlastitih javnih prihoda)

- (1) Škola je odgovorna za potpuno i pravovremeno uplaćivanje vlastitih javnih prihoda na depozitni račun javnih prihoda u skladu s pozitivnim propisima.
- (2) Škola je dužna da redovno prati, putem izvještaja koje dobije od Ministarstva finansija Kantona Sarajevo (u daljem tekstu: Ministarstvo finansija), dospelost i naplatu vlastitih javnih prihoda.
- (3) Svaku pogrešnu uplatu vlastitog javnog prihoda Škola je dužna da prijavi Ministarstvu finansija.
- (4) Škola je dužna da ostavarene i naplaćene vlastite javne prihode rasporedi na rashode u finansijskim mjesečnim planovima izvršavanja Budžeta.
- (5) Vlastite javne prihode Škola može koristiti u skladu s odobrenim Budžetom samo u toku fiskalne godine, a neutrošeni dio vlastitih javnih prihoda postaje javni prihod Budžeta naredne godine.

Član 13.

(Izvještaj o ostvarivanju i utrošku vlastitih javnih prihoda)

Škola je dužna, najmanje jednom u 6 mjeseci Ministarstvu za odgoj i obrazovanje Kantona Sarajevo dostaviti izvještaj o ostvarivanju i utrošku vlastitih javnih prihoda.

DIO PETI - ZAVRŠNE ODREDBE**Član 14.**

(Izmjene i dopune Pravilnika)

Izmjene i dopune ovog Pravilnika vrše se na način i po postupku predviđenom za njegovo donošenje.

Član 15.

(Prestanak važenja dosadašnjeg Pravilnika)

Danom stupanja na snagu ovog Pravilnika prestaje da važi Pravilnik o korištenju vlastitih prihoda JU OŠ „Vladislav Skarić“ Sarajevo, broj:01-1-4-92/17, od 09. 3. 2017. godine i Pravilnik o izmjenama i dopunama Pravilnika o korištenju vlastitih prihoda JU OŠ „Vladislav Skarić“ Sarajevo, broj:01-1-4-521/17, od 11. 12. 2017. godine.

Član 16.

(Stupanje na snagu)


- (1) Ovaj Pravilnik stupa na snagu danom dostavljanja Školi saglasnosti Vlade Kantona Sarajevo na isti.
- (2) Ovaj Pravilnik objavljuje se na Oglasnoj ploči i službenoj Web-stranici Škole.

Broj:01-1-4-878/23

Sarajevo, 28. 9. 2023. godine

PREDSJEDNIK ŠKOLSKOG ODBORA

Amir Salihović, prof.



(S.I.)





11
X2
13821
PB.7

Bosnia and Herzegovina
Federation of Bosnia and Herzegovina
CANTON SARAJEVO
Government

Osnovna škola „VLADISLAV SKARIĆ“
OPĆINA CENTAR SARAJEVO
Broj: 04-6-1146/23
Datum: 26.12.2023. god.

Broj: 02-04-52343-4.2/23
Sarajevo, 15.12.2023. godine

Na osnovu člana 26. i 28. stav (2) Zakona o Vladi Kantona Sarajevo (“Službene novine Kantona Sarajevo”, broj: 36/14 - Novi prečišćen tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine (“Službene novine Federacije BiH”, broj: 104/22) Vlada Kantona Sarajevo, na **Šestoj vanrednoj** sjednici održanoj **15.12.2023.** godine, donijela je

ODLUKU

O DAVANJU SAGLASNOSTI NA PRAVILNIK O VRSTAMA VLASTITIH JAVNIH PRIHODA JAVNE USTANOVE OŠ „VLADISLAV SKARIĆ“ SARAJEVO

I

Daje se saglasnost na Pravilnik o vrstama vlastitih javnih prihoda Javne ustanove OŠ „Vladislav Skarić“ Sarajevo, broj: 01-1-4-878/23 od 28.09.2023. godine.

II

Ova odluka stupa na snagu danom donošenja i objavit će se u “Službenim novinama Kantona Sarajevo”.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
- ⑥ Javna ustanova OŠ „Vladislav Skarić“ Sarajevo (putem Ministarstva za odgoj i obrazovanje Kantona Sarajevo),
7. Za objavu u “Službenim novinama Kantona Sarajevo”,
8. Evidencija,
9. A r h i v a.